

四庫全書

集部

欽定四庫全書

唐詩紀事卷二十

宋 計敏夫 撰

鄭虔

嚴武

史俊

李適之

祖詠

李頎

綦母潛

趙諫光

李元操

薛令之

張諲

陶翰

顏舒

王珣

王熊

薛維翰

崔亘

朱琳

王冷然

萬楚

胡皓

袁瓘

柳識

高力士

高霽

息夫牧

崔曙

鄭虔

皮閨情云銀鑰開香閣金臺點夜燈
長征君自慣獨卧
妾何曾

子美詩云鷄鷩至魯門不識鐘鼓饗孔翠望青霄愁思
彫籠養榮陽冠衆儒早聞名公賞地崇士大夫况乃清
氣爽天然生知姿學立游夏上神農或闕漏黃石愧師
長樂纂西極名兵流指諸掌貫穿無遺恨蒼萃何技癢

主臬星經與蟲篆丹青廣

按新史皮集撰當世著書八十餘篇有窺其藁者上書告

皮私撰國史皮倉皇焚之坐謫十年命其書為薈萃孔子作春秋游夏不能贊皇猷皮私撰國史出其上也神農黃石藥纂兵流者古書也言皮無不貫穿復通游藝星經丹青之類

子雲窺未遍方朔

諧太枉神翰顧不一體變鍾魚兩

皮好書及畫恨無紙慈恩寺貯柿葉數屋

皮取筆書歲久皆遍矣

文傳天下口大字猶在榜昔獻書畫圖新

詩亦俱往滄洲動玉陛宣鶴誤一響三絕自御題四方

尤所仰

皮自寫其詩并畫以獻帝大署其尾曰鄭皮三絕宣一作寡

嗜酒益踈放

皮嗜

酒踈放故杜南贈詩云賴得蘇司業時時與酒錢蘇司業源明也

彈琴視天壤形骸實

土木親近唯几杖未嘗寄官曹突兀倚書幌

皮初坐謫還京師上

愛其材欲置左右以不事事更為置廣文館以皮為博士皮聞命不知廣文曹司何在訴宰相曰上增國學置廣文館以居賢者令後世言晚就芸香閣胡塵昏坱莽

反覆歸聖朝點染無滌蕩老蒙台州掾泛泛浙江槩

安祿

山反遣張通儒劫百官置東都偽受水部郎中因稱風緩求攝市令潛以密草達靈武賊平免死貶台州司戶

參履穿四明雪飢拾槲溪橡空聞紫芝歌不見杏壇丈

天長眺東南秋色餘魍魎別離慘至今班白徒懷曩春

深泰山秀葉墜清渭朗劇談王侯門野稅林下鞅操紙

終夕酣時物集遐想詞場竟踈闊平昔濫吹獎百年見
存沒牢落吾安放蕭條阮咸在出處同世網他日傍江

樓舍悽述飄蕩

宣鶴一作寡鶴

虔滎陽人天寶初為協律郎或告其私撰國史坐謫十
年還京為廣文博士自寫其詩畫以獻帝書曰鄭虔三
絕祿山反劫為水部郎中乃託風緩求水市令而以密
草達靈武賊平坐王維下遷而虔貶台州司戶參軍後
數年卒

虔著舊萃等諸書之外又撰外國本草七卷詩中及之子
美云虔與今秘書監鄭審編翰齊價謫江陵故有阮咸
江樓之句

嚴武

卧向巴山落月時兩鄉千里夢相思可但步兵偏愛酒

也知光祿最能詩

阮籍
謝莊

江頭赤葉楓愁客籬外黃花菊

對誰跋馬望君非一度冷鴝秋雁不勝悲

巴嶺荅子美
見憶子美詩

云遙知簇鞍馬

回首白雲間

漫向江頭把釣竿，懶眠沙草愛風湍。莫倚善題鸚鵡賦，

何須不著鷁鷁冠。

侍中

腹中書籍幽時曬，肘後醫方靜處

看。興發會能馳駿馬，終須重到使君灘。

寄題杜二
錦江野亭

子美八哀詩云：鄭公珣璉器，華岳金天晶。昔在童子日，

已聞老成名。嶷然大賢後，復見秀骨清。

嚴武傳：武中書
侍郎，挺之子，神

氣雋爽，敏於聞見，幼有成人風，讀書不
究精義，涉獵而已。大賢謂嚴子陵歟。

開口取將相，小

心事友生。

甫與武世契也。嘗醉登武
牀，呼斥其父名而武不忤。

閱書百紙盡落筆。

四座驚厯職，匪父任嫉邪。常力爭。

武弱冠以門蔭策名，
哥舒翰奏克判官至。

德初肅宗初靖難大收才傑武提節赴行在宰相
房瑄素重之及是首薦才畧可稱果遷給事中 漢儀

尚整肅

時武為侍御史

敵騎忽縱橫

祿山之亂也

飛傳自河壠逢人

問公卿不知萬乘出雪涕風悲鳴受詞劍閣道謁帝蕭

關城

河壠劍閣蕭關城事新舊二史皆不載

寂寞雲臺仗颺颺沙塞旌江

山少使者笳鼓凝皇情壯士血相視忠臣氣不平密論

貞觀體揮發岐陽征

時肅宗兵鳳翔

感激動四極聯翩收二京

二京長安東都也二史皆不載武收復功

西郊牛酒再原廟丹青明匡汲俄

寵辱衛霍竟哀榮四登薈府地

既收長安以武為京兆少尹兼御史中丞時年

二十三後又還京
兆尹兼御史大夫

三掌華陽兵

華陽成都也武以史思明阻兵不之官優游京

師頗自矜大出為綿州刺史遷劍南東川節度使登發上皇詔以劍南兩川合為一道拜武成都尹充劍南節度使入徵求為方面拜成都尹在蜀累年肆志逞恣行猛政威震一方

京兆空柳色尚書

無履聲羣鳥日朝夕白馬休橫行諸葛蜀人愛文翁儒

化成公來雪山重公去雪山輕記室得何遜韜鈴延子

荆四郊失壁壘

失壁壘言無出戍也此美武能鎮靜也

虛館開逢迎堂上

指畫圖軍中吹玉笙豈無成都酒憂國只細傾時觀錦
水釣問俗終相并意待犬戎滅入藏紅粟盈以茲報主

願庶或裨世程炯炯一心在沉沉二豎嬰顏回竟短折
賈誼徒忠貞飛旄出江漢孤舟轉荆衡虛無馬融笛悵
望龍驤瑩空餘老賓客身上媿簪纓

武年二十二為給事黃門郎明年擁旄西蜀杜甫乘醉
言不謂嚴挺之乃有此子也武恚目久之曰杜審言孫
子擬捋虎鬚合坐皆笑以彌縫之房太尉琯微有所悞
憂怖成疾李太白作蜀道難為房杜危之也武字季鷹
永泰初卒母哭且曰而今而後吾知免為官婢矣

子美送武入朝有鼎湖瞻望遠象闕憲章新之作武酬
別云獨逢堯典日再覩漢官時未効風霜勁空慙雨露
私夜鐘清萬戶曉漏拂千旗並向斜亭謁俱承別館追
斗城憐舊路渦水惜歸期峰樹還相伴江雲更對誰試
迴滄海棹更和敬亭詩祇是書應寄無忘酒共持但令
心事在未肯鬢毛衰最悵巴山裏清猿惱夢思

武題巴州光福寺楠木云楚江長流對楚寺楠木幽生
赤崖背臨溪插石盤老根苔色青蒼山雨痕高枝閤葉

鳥不度半掩白雲朝與暮香殿蕭條轉密陰花龕滴瀝
垂清露聞道偏多越水頭煙生霧歛使人愁月明忽憶
湘川夜猿叫還思鄂渚秋看君幽靄幾千丈寂寞窮山
今遇賞亦知鐘梵報黃昏猶卧禪床戀奇響

史俊

題巴州光福寺楠木云近郭城南山寺深亭亭奇樹出
禪林結根幽壑不知歲聳幹摩天凡幾尋翠色晚將嵐
氣合月光時有夜猿吟經行綠葉望成蓋宴坐黃花長

蒲襟此木嘗聞生豫章今朝獨秀在巴鄉凌霜不肯讓
松柏作宇猶來稱棟樑會待良工時一盼應歸法水作
慈航嚴武作巴山賦楠木歌俊後以監察御史來臨是
邦亦賦焉

李適之

常山愍王孫天寶初代牛仙客為左相適之未罷相也
朝退每邀賓戚談諧賦詩曾賦云朱門長不閉親友恣
相過年今將半百不樂復如何後為林甫所譖罷乃為

欽定四庫全書

詩曰避賢初罷相樂聖且銜盃為問門前客今朝幾箇
來

適之入仕不厯丞簿便為別駕不厈兩畿官便為京兆
尹不厈御史及中丞便為大夫不厈兩省給舍便為宰
相不厈刺史便為節度使然不得其死

祖詠

古意二首楚王竟何去獨自留巫山偏使世人見迢遙
江水間駐舟春潭裏誓願拜靈顏夢寐覩神女金沙鳴

珮環閑艷絕世姿令人氣力微含笑默不語化作雲朝
飛

夫差日淫放舉國求妃嬪自謂得王寵代間無美人碧
羅蒙天閣坐輦乘芳春宮女數千騎常遊江水濱年深
玉顏老時薄花粧新拭淚下金殿嬌多不顧身生前妬
歌舞死後同灰塵塚墓令人哀哀於銅雀臺

有司試終南山望餘雪詩詠賦云終南陰嶺秀積雪浮
雲端林表明霽色城中增暮寒四句即納于有司或詰

之詠曰意盡

陸渾水亭云晝眺伊川水巖間霽色明淺沙平有路流水漫無聲浴鳥沿波聚潛鱗觸釣驚更尋春岸上幽意滿山楹

王維有喜祖三至留宿詩詠云四年不相見相見復何為握手言未畢却令傷別離升堂還駐馬酌醴便呼兒語默自相對安用旁人知

詠與維最善

詠登開元進士第

商璠云詠詩剪刻省淨用思尤苦氣雖不高調頗凌俗
至如霽日園林好清明煙火新亦可稱為才子也張說
在并州厚遇王翰既相引為駕部員外郎說罷相出翰
仙州別駕至郡日聚英豪從禽擊鼓恣為歡賞詠與杜
華嘗在座翰坐是貶道州司馬

開元中進士唱第尚書省落第者至省門散去詠吟曰
落去他兩兩三三戴帽子日暮祖候吟一聲長安竹柏
皆枯死

留別盧象云朝來已握手宿別更傷心灞水行人渡商
山驛路深故情君且足謫宦我難任直道皆如此誰能
淚滿襟

蘭峰贈張九臯云君王既巡狩輦路入秦京遠樹低蒼
壘孤山出草城寒疎清禁漏夜警羽林兵誰念迷方客
長懷魏國情

蘇氏別業云別業居幽處到來生隱心南山當戶牖澧
水在園林屋覆經冬雪庭昏未夕陰寥寥人境外閑坐

聽春禽

夕次圃田店云前路入鄭郊向經百餘里馬煩時欲歇
客歸程未已落日桑柘陰遙村烟火起西還不遑宿中
夜渡涇水

題韓少府山亭云梅福幽棲處佳期不忘還鳥啼當戶
竹花遶傍池山水氣侵堦冷藤陰覆坐閑寧知武陵趣

宛在市朝間

自留別盧象以下五篇姚合以爲極元集

清明宴劉司勳別業云田家復近臣行樂不遺親霽日

園林好清明煙火新以文常會友唯德自成隣池照窓
陰晚杯香藥味春簷前花覆地竹外鳥窺人何似桃源
裏深居作隱淪

李頎

緩歌行云小來託身攀貴遊傾財破產無所憂暮夜經
過石渠署朝將出入銅龍樓結交杜陵輕薄子誰言可
生復可死一沉一浮會有時棄我翻然如脫屣男兒立
身須自強十年閉戶賴水陽業就功成見明主擊鐘鼎

食坐華堂二八蛾眉梳墮馬美酒清歌曲房下文昌宮
中賜錦衣長安陌上退朝歸五陵賓從莫敢視三省官
寮揖者稀早知今日讀書是悔作從來狂俠兒

聽董大彈胡笳聲兼寄語弄房給事云蔡女昔造胡笳
聲一彈一十有八拍胡人落淚向邊草漢使斷腸對歸
客古戍蒼蒼烽火寒大荒陰沉飛雪白先拂商弦後角
羽四郊秋葉驚撼撼董夫子通神明深山竊聽來妖精
言遲更速皆應手將往復旋如有情空山百鳥散還合

萬里浮雲陰且明
嘶酸雛鷹失羣夜斷絕
胡兒戀母聲
川爲靜其波鳥亦罷其鳴
烏孫部落家鄉遠
羅逖沙塵哀
怨生幽音變調忽颺灑
長風吹林雨墮瓦
迸泉颯颯飛
木末野鹿呦呦走堂下
長安城連東掖垣
鳳凰池對青瑣門
高才脫略名與利
日夕望君抱琴至

漁父歌云白頭何老人
策笠蔽其身避世常不仕
釣魚清江濱
浦沙明濯足山月靜
垂綸寓宿湍與瀨
行歌秋復春
持竿湘岸竹藝火蘆洲薪
綠水飯香稻青荷苞紫

鱗於中還自樂所欲全吾真而笑獨醒者臨流多苦辛
送暨道士還玉清詩云仙官有名籍度世吳江濱大道
本無我青春長與君中州俄已到至理得而聞明主降
黃屋時人看白雲空山何窈窕三秀日氛氲遂此留書
客超遙煙駕分

樂天放言詩序云元九在江陵有放言長句詩五韻韻
高而體律意古而詞新雖前輩深於詩者未有此作唯
李頎有云濟水至清河自濁周公大聖接輿狂斯句近

之矣

聖善閣送裴迪入京云雪華斂高閣苔色上鈎欄藥草
空階靜梧桐返照寒清吟可愈疾攜手暫同歡墜葉如
金磬飢鳥鳴露盤伊川惜東別灞水向西看舊託含香
署雲霄可足難

題濬公山池云遠公遁跡廬山岑開山幽居祇樹林片
石孤峰窺色相清池白月點禪心指揮如意天花落坐
卧閑房春草深此外俗塵都不染唯餘元度得相尋

王摩詰贈頽詩云聞君餌丹砂甚有好顏色不知從今
去幾時生羽翼王母翳華芝望爾崑崙側文螭從赤豹
萬里方走息悲哉世上人甘此羶腥食

頽開元進士也

商璠云頽詩發調既清修詞亦麗漁父歌咸善玄理最
長故其論道家往往高於衆作

頽東郊寄萬楚云濩落久無用隱身甘采薇仍聞薄宦
者還事田家衣潁水日夜流故人相見稀春山不可望

黃鳥東南飛濯足豈長往一罇聊可依了然潭上月適
我胷中機在昔同門友如今出處非優游白虎殿出入
青瑣闥且有薦君表當看携手歸寄書不代面蘭茝空

芳非

此詩取於
河岳英靈

王母歌云武皇齋戒承華殿端拱須臾王母見霓旌照
曜麒麟車羽蓋淋漓孔雀扇手指交梨遣帝食可以長
生臨寓縣頭上復帶九星冠摠領玉皇坐南面欲聞要
言今告汝帝乃焚香請此語若能鍊魂去三尸後當見

我天皇所顧謂侍女董雙成酒闌可奏雲和笙紅霞白
日儼不動七龍五鳳紛相迎惜哉志驕神不悅歎息馬
蹄與車轍複道歌鐘杳將暮深宮桃李花成雪為看青
玉五枝燈蟠螭吐火光已絕

綦母潛

字孝通開元中繇宜壽尉入集賢院待制遷右拾遺終
著作郎

早發上東門云十五能行西入秦三十無家作路人時

命不將明主合布衣空染洛陽塵

顧陶取為
唐類詩

春泛若耶詩云幽意無斷絕此去隨所偶晚風吹行舟
花路入溪口際夜轉西壑隔山望南斗潭煙飛溶溶林
月低向後生事且彌漫願為持竿叟

王摩詰別潛詩雲端笏明光宮歷稔朝雲陞詔刊延閣
書高義平津邸適意偶輕人虛心削繁禮盛得江左風
彌工建安體高張多絕絃截河有清濟嚴冬爽群木伊
洛方清泚渭水永下流潼關雪中啓荷篠幾時還塵纓

待君洗

韋蘇州寄淮上綦母三詩云滿城憐傲吏終日賦新詩
請報淮陰客春帆浪作期

商璠云拾遺詩舉體清秀蕭蕭跨俗桑門之說於已獨
能至如松覆山殿冷不可多得又鐘聲和白雲歷代少
有借使若人加氣質減彫飾則高視三百年外也

題靈隱寺山頂禪院云招提此山頂下界不相聞塔影
挂清漢鐘聲和白雲觀空淨室掩行道衆香焚且駐西

來駕人天日未曛

若耶溪逢孔九云相逢此溪曲勝託在烟霞潭影竹間
動崑陰簷外斜人生上皇代犬吠武陵家借問淹留日
春深歸若耶

冬夜寓居贈儲太祝云自為洛陽客夫子吾知音盡義
能下士時人無此心奈何離居夜巢鳥悲空林愁坐至
月上復聞南隣砧

過禪居云山頭禪室挂僧衣牕外無人溪鳥啼黃昏半

在下山路却聽松聲連翠微

題鶴林寺云道門隱形勝向背臨法橋松覆山殿冷花
藏溪路遙珊珊寶幡挂焰焰明燈燒遲日半空谷春風
連上朝少憑水木興慙忝身心調願謝携手客茲山禪
侶饒

李願送綦毋三謁房給事云夫子大名下家無鍾石儲
惜哉湖海上曾校蓬萊書外物非本意此生空澹如所
思但乘興遠適唯單車高道時坎軻舊交願吹噓徒言

青瑣闥不愛承明廬
百里人戶滿片言
諍訟踈手持蓮花
經目送飛鳥餘晚
景南路別炎雲中
伏初此行儻不遂
歸食蘆洲魚

趙謙光賀遂涉

唐諸郎中不自員外郎拜者謂之土山頭
果毅便拜崇品有似長征兵士便授邊遠
果毅謙光自彭州司馬入為大理正遷戶
部郎中戶部員外賀遂涉詠曰員外由來
美郎中望亦優寧知粉署裏翻作土山頭
謙光荅詩

曰錦帳隨情設金爐任意薰
唯愁員外置不應列星文
譙光登咸亨進士第

李元操

和從叔祿惜元日早朝云銅渾變秋節玉律動年灰
暖城霞旦隱隱禁門開衆靈湊仙府百神朝帝臺
葉令雙鳬至梁王駟馬來戈鋌映林闕歌管拂塵埃
保章望瑞氣尚書免火災冠冕多秀士簪裾饒上才
誰憐張仲蔚日暮反蒿萊元操開元初詩人也

薛令之

令之聞之長溪人及第遷右庶子開元中東宮官僚清
淡令之題詩自悼曰朝日上團團照見先生盤盤中何
所有苜蓿長闌干飯澁時難縮羹稀筋易寬無以謀朝
夕何由保歲寒上幸東宮覽之索筆題其傍曰啄木口
脣長鳳凰羽毛短若嫌松桂寒任逐桑榆煖令之遂謝
病歸

肅宗為太子賀知章自右庶子遷賓客授秘書監令之

以右補闕兼侍讀積歲不遷故令之棄官徒步歸鄉里
而知章自號秘書外監晚節尤誕放肅宗乾元初以雅
舊贈知章禮部尚書亦以舊恩召令之而令之已前卒

張諲

諲官至刑部員外郎善草隸工丹青與王維李頎等為
詩酒丹青之友尤善畫山水王維荅詩曰屏風誤點惑
孫郎團扇草書輕內史李頎詩曰小王破體閑支策落
日梨花照空壁詩堪記室妬風流畫與將軍作勍敵

陶翰

塞下曲云進軍飛狐北窮寇勢將變日落沙塵昏背河
更一戰駿馬黃金勒彫弓白羽箭射殺左賢王歸奏未
央殿欲言塞下事天子不召見東出咸陽門哀哀淚如
霰

翰潤州人開元中為禮部員外郎以冰壺賦得名商璫
云歷代辭人詩筆雙美者鮮矣今陶生實謂兩全兼之
既多興義復備別有風骨三百年以前方可論其體裁

燕詞行云請君留楚調聽我吟燕詞家在遼水頭邊風
意氣多出身為漢將正值戎未和雪中凌天山水上渡
交河大小百餘戰封侯竟蹉跎歸來灞陵下故舊無相
過雄劍委塵匣空門唯雀羅玉簪還趙姝瑤瑟付齊娥
昔日不為樂時哉今柰何

出蕭關懷古云駟馬擊長劍行役至蕭關悠然五原上
永眺關河前北敵三十萬此中常控弦秦城亘宇宙漢
帝埋旌旗刁斗鳴不歇羽書日夜傳五軍計莫就三策

議空全大漠橫萬里蕭條絕人烟孤山當瀚海落日照
祁連蒼梧苦寒客懷哉式微篇更悲秦樓月夜夜出天邊
贈鄭員外云驄馬拂繡裳按兵遼水陽西分鴈門騎北
逐樓煩王聞道五軍集相邀百戰場風沙暗天起敵騎
森已行儒服護諸將雄謀吞大荒金門求見謁朱紱生
輝光數載侍御史稍遷尚書郎人生志氣立所貴功業
昌何必守章句終年事鉛黃同時獻賦客尚在東陵傍
贈房侍御云

房在新安

志人固不羈與道同周旋進則天下

仰已之能晏然褐衣東府召執簡南臺先雄義乃特立
犯顏豈圖全謫居東南遠逸氣吟芳荃適會寥廓趣清
波更賣緣扁舟入五湖發纜洞庭前浩蕩臨海曲超遙
濟江壖微竒忽忘反遇興將彌年乃悟范生智足明漁
父賢郡臨新安渚佳賞此城偏日夕對層岫雲霞映晴
川閑居變秋色偃卧含貞堅倚伏自相化行藏互推遷
君期振羽翮歲晏欲冲天

望太華贈盧司倉云作吏至西華乃觀三峰壯削成元

氣中傑出大河上如有飛動色不知青真狀巨靈安在
哉厥跡猶可望方此歎行旅未由訪仙裝蔥隴記星壇
明滅數雲嶂良友垂真契宿心所微尚敢投歸山吟霞
徑一相訪

晚出伊蘭寄河南裴中丞云退無燕息資近無當代策
冉冉時歲暮坐為周南客前登關塞門永眺伊城陌長
川暗已空千里寒氣白家住渭水西異日同所適兼志
師禽尚微言祖莊易一辭林壑間共繫風塵役交朋忽

先進天道何紛劇豈念嘉遁時依依遇沮溺

乘潮至漁浦作云艤舟乘早潮潮來如風雨嶂高忽已
界峰暗莫及覩崩騰心為失浩蕩月無主風停浪始開
漾漾入漁浦雲景共澄霽江山相吞吐倬哉造化工此
事已終古流沫誠足誠高歌調易苦頗因忠信全客念
猶栩栩

宿天竺寺云松栢亂崑口西山微徑通天開一峰見宮
闕生虛空正殿倚霞壁千樓標石叢夜來猿鳥靜鐘梵

寒雲中峰翠映明月泉聲亂溪風心超諸境外了與懸
解同明發唯改視朝日長崖東湖色濃蕩漾海光漸曠
朧葛仙心尚在許氏道猶崇獨往古來事幽懷期二公
早過臨淮云夜泊三風渚晨過臨淮島潮中海氣白城
上楚雲早鱗鱗漁浦帆潒潒蘆洲草川路日浩蕩怒馬
心如擣且言任倚伏何暇念枯槁范子名屢移蘧公志
常保古人去已久此理難足道

顏舒

鳳樓怨云佳人名莫愁珠箔上花鈎清鏡鴛鴦匣新粧
翡翠樓擣衣明月夜吹管白雲秋唯恨金吾子年年向

隴頭

顧陶取為
唐類詩

王琚

琚自荆湖入朝至岳陽張說有送王十一及趙公入朝
之作云昔濫貂蟬長同承雨露霏今參魚鼈守望美洞
庭歸浦樹懸秋影江雲繞落暉離魂似征帆常往帝鄉
飛琚以詩奉別云五載朝天子三湘逢舊寮扁舟方輟

棹清論遂終朝遠樹煙間沒長江地際遙帝城馳夢想

歸帆滿風颭

趙公冬
曦也

琚遊澠湖上寺詩云春山臨遠壑水木自幽清夙息懷
微尚茲焉一放情雲間聽弄鳥烟上摘初英地僻方無
悶逾知道思生

奉答燕公云郡遠途且艱宜悲良自得胡為心獨爾惠
好在南國亦既清顏披罔然良願克與君蘭時會群物
如藻飾烟景惜歡賞雲山起翰墨接藝竒思微偶談玄

言直永日不知倦
逾旬猶謂亟如何
酌離樽移棹巴城
側浦口勞長望舟
中獨太息疾風吹
飛帆倏忽南與北
目盡不復見懷哉
無終極唯當衡峰
上遙辨湖水色

琚以預誅太平公主之功
眷委特異進戶部尚書預大
政事時號內宰相群臣不能
無望遂讒于帝帝疏之歷
九刺史故詩多感激之詞
時燕公亦以罪謫守岳陽故
送琚賦詩亦有湘東股肱守
心與帝鄉期舟楫中路蹇
風波復來思之語

王熊

張燕公在岳州有宴別潭州王熊詩云絲管清且哀一曲傾一盃氣將然諾重心向友朋開古木無生意寒雲若死灰贈君芳杜草為植建章臺

又云縉雲連省閣潯水遽西東然諾心猶在容華歲不同孤城臨楚塞遠樹入秦宮誰念三千里江潭一老翁熊答云長沙辭舊國洞庭逢故人故人敦久要披霞轉相親歲月空嗟老江山不惜春忽聞黃鶴曲更作白頭

新

又云平生共風月倏忽間山川不期交淡水暫得欸忘
年興逸方罷釣帆開欲解船離心若危旆朝夕為君懸

薛維翰

閨怨云美人怨何深含情倚金閣不笑復不語珠淚紛
紛落

春夜裁縫云珠箔因風起飛蛾入最能不教人夜作方
便殺明燈

春女怨云白玉堂前一樹梅今朝忽見數花開
兒家門戶尋常閉春色因何入得來

維翰登開元進士第

崔亘

春怨云夜盡夢初驚紗牕早霧明
曉粧脂粉薄春服綺羅輕
妾有今朝恨君無舊日情
愁來理絃管皆是斷腸聲

亘開元二十四年登進士第

朱琳

開緘怨云夫媚邊庭久幽閨恨幾重玉琴知別日金鏡
識愁容懶寄雲中服慵開海外封年年得衣慣且試莫
裁縫

王冷然

王邕傳云開元初為吏部典選獎用孫逖張鏡微張晉
明進士王冷然皆一時茂秀

冷然上相國燕公書曰相公必欲選良宰莫若舉前倉

部員外郎吳太元為洛陽令必欲舉御史中丞莫若舉
襄州刺史靳能清輦轂之路非太元不可生臺閣之風
非靳能不可僕非吳靳親友但以知其賢明相公有而
不知知而不用亦過深矣抑又聞之昔閔子騫為政曰
仍舊貫如之何何必改作凡校書正字一政不得入畿
相公曾為此職見貞觀已來故事今吏部侍郎楊滔眼
不識字心不好賢蕪穢我清司改張我舊貫去年冬奏
請自今已後官無內外一例不得入畿即知正字校書

不如十鄉縣尉經明進士不如三衛出身相公復此改
張甄別安在古人有坐釣登相立籌封侯今僕無尚父
之謀薛公之策徒以仕於書苑生於學門小道逢時大
言祈相僕也幸甚幸甚去冬有詩贈公愛子協律云官
微思倚玉文淺怯投珠呂氏春秋云嘗一臠之肉知一
鼎之味請公看此十字則知僕曾吟五言亦更有舊文
願呈作者如公之用人蓋已多矣僕之思用其來久矣
拾遺補闕寧有種乎僕雖不佞亦相公一株桃李也

冷然吟汴堤柳云隋家天子憶楊州
獸坐深宮傍海遊
穿地鑿山開御路鳴笳疊鼓泛清流
流從輦北分河口
直到淮南種官柳
功成力盡人旋亡
代謝年移樹空有
當時綵女侍君王
繡帳旌門對柳行
青葉交垂連幔色
白花飛度染衣香
今日摧殘何用道
數里曾無一枝好
驛騎征帆損更多
山精野魅藏應老
涼風八月露為霜
日夜孤帆入帝鄉
河畔時時聞木落
客中無不淚沾裳

萬楚

五月五日觀妓云西施漫道浣春紗碧玉今時鬪麗華
眉黛奪將萱草色紅裙妬殺石榴花新歌一曲令人艷
醉舞雙眸斂鬢斜誰道五絲能續命却令今日死君家
李頎東郊寄楚云蘼落久無用隱身甘采薇仍聞薄宦
者還事田家衣潁水日夜流故人相見稀春山不可望
黃鳥東南飛濯足豈長往一罇聊可依了然潭上月適
我胃中機在昔同門友如今出處非優游白虎殿出入
青瑣闥且有薦君表當看携手歸寄書不代面蘭茝空

芳菲

楚登開元進士第

胡皓

和宋之問寒食題臨江驛云聞道山陰會仍為火忌辰
途中甘棄日江上苦傷春流水翻催淚寒灰更伴人丹
心終不改白髮為誰新

開元中張孝嵩出塞張九齡韓休崔沔王翰皓賀知章
所撰送行詩號朝英集

明皇錫宴樂遊園皓應制詩云五酺終宴集三錫又歡
娛仙臯崇高異神州眺覽殊南山臨皓雪北闕對明珠
廣座鵷鴻滿昌庭賜馬趨綺羅含草木絲竹吐郊衢街
盃不能罷歌舞樂唐虞

袁瓘

惠文太子挽詞云寒仗丹旄引陰堂白日違暗燈明象
物盡水濕靈衣羽化淮王去仙迎太子歸空餘鷺銜土
朝夕向陵飛

瓘明皇時人惠文太子睿宗之子岐王範也

柳識

許由先生潁陽祠庭獻酬文序云識壬辰歲夏四月自洛東遊至先生遺廟而潁水古風舊山巋然追懷古蹤慕羨至道以時酒敬酌于靈既酌拜獻言曰天清既能久地靜能不朽先生清靜天地全性出於胚渾入於鴻蒙雲遊鳥還翥翥和風當時帝道已半滋章欲深大樸散於人末散於山林乃有巢父杳冥同心堯齋公器退

然見推遇聖相感不得不知耳雖濯於清流道終播於
無為所謂春膏時蒸朽葉自滋先生含德唐堯發之潁
陽之仁德日大天下之祿利日卑且聖王所重者名器
至人所重者感通推以大名義同讓終庶能感俗道自
為功任應會之偶然生垂後之清風人登雲嶺多憶箕
潁猗歟先生山水齊名茲焉遺廟萬古芬馨

識弔夷齊文曰洪河之東兮首陽穹崇側聞孤竹二子
昔也餒在其中偕隱胡為得仁而死青苔草木兮雲秋

水魂兮來可依兮去何止掇澗礫之毛薦精誠而已初
先生鴻逸中州驚伏西山顧薇蕨之離離歌唐虞之不
還謂易暴兮又武謂墨縗兮胡顏一吒兮忘飢若有誚
兮千崑之關豈不以冠敝在於上履新處於下且曰一
人之正位孰知三聖之純嘏讓周之意不其然乎是以
知先生所恤者偏矣當昔夷羊在牧殷綱解結乾道息
坤維絕鯨吞噬兮鬼孽王奮厥武天意若曰覆昏暴資
濬哲於是二老歸而八百會一戎衣而九有截况乎旗

錫黃鳥珪命赤烏俾荷鉅橋之施俾申羨里之辜故能
山立雨集電掃風驅及下車也五刃不礪於武庫九駿
伏轅於文途雖二士不食而兆人其蘇既而溥天周土
率土周人吁嗟先生逃將奚臻萬姓歸飾兮獨鬱乎方
寸六合莽蕩兮終跼乎一身雖忤時而過周終臣心而
惻殷所以不食其食求仁得仁然非一端事各其志若
旁通以阜厥躬應物以濟其利則焉有貞節之規君親
之事靈乎靈乎雖非與道而保生乃勗為臣之不二

識字方明工文章最爲李華知許其文與蕭穎士元德秀劉迅相上下而識練理創端往往詣極雖趣向非博然當時作者伏其簡拔

高力士

力士謫巫州山多薺不食因感之作詩寄意曰兩京作斤賣五溪無人採夷夏雖有殊氣味都不改其後會赦因至武陵遇開元中羽林軍士坐事謫嶺南停車話舊方知明皇厭世北望號慟嘔血而卒

段柯古叙力士事證云呼二兄

柯古

呼阿翁

張繼善

呼將軍

鄭夢復

呼父老

柯

五輪磴

繼

初施祭戟

夢

常卧麓林

柯

長

六尺五寸

繼

陪葬泰陵

夢

詠薺

柯

齒成印

繼

上國下國

夢

夢鞭

柯

呂氏生髭

繼

高霽

韋瓘興

池陽九子山太白易以九華之目因與二三子聯句傳之將來

妙有分二氣靈山開九華

太白

層標遏遲日半壁明朝霞

高積雪曜陰壑飛流歎陽崖

韋璠興

青瑩玉樹色縹緲羽

人家

息夫牧

冬夜宴蕭十丈因餞殷郭二子西上詩云冬有十二月
家君宰邑許下夫子問津潁上二賢將馳會府皆適茲
土夜處狹室列座有位尊卑儼如或捧觴上壽或摠衣
請益始崇詩以閱禮終講信而脩睦然後文飽於德義
潤其身頃夫子升堂之後若盧賈劉尹之徒半紀間接

武鳴躍實夫子訓之導之斯至也今殷郭二子天資才幹而加之鏃羽觀光王庭俯拾地芥其誰曰不然飛霜靄林寒氣摠至月落匝戶夜將向晨座隅譙譙畢醉溫克則知孔門宴餞異於他日二三子終身識之夫子以家君政事百里無事命門弟子賦詩鳴琴亦以釋佻離之怨焉小子不敏忝居門人之末敢不敬書其事詩曰有琴斯鳴于宰之庭君子莅止其心孔平政既告成德以永貞鳴琴有術于潁之畔彼之才髦其年未冠聞詩

聞禮斐兮爍爍鳴琴其怡于潁之湄二子翰飛言戾京
師有鬱者桂載攀其枝琴既鳴矣宵既清矣烘燂有煒
酒醴惟旨喟我寤歎吁其別矣

崔曙

曙潁陽東溪懷古云靈谿氛霧歇皎鏡清心顏空色不
映水秋聲多在山世人久踈曠萬物皆自閑白鷺寒更
浴孤雲晴未還昔時讓王者此地閉玄關無以躡高步
淒涼林壑間

試明堂火珠詩云正位開重屋中天出火珠夜來雙月
合曙後一星孤天淨光難滅雲生望欲無還知聖明代
國寶在京都曙以是詩得名明年卒惟一女名星星始
悟其識也

曙開元二十六年登進士第

商璠云曙詩言辭欵要情興悲涼送別登樓但堪下淚
途中晚發云晚霽長風裏勞歌赴遠期雲輕歸海疾月
滿下山遲旅望因高盡鄉心遇物悲故林遙不見況在

落花時

送薛據云無媒嗟失路有道亦乘流客處不堪別異鄉
應共愁我生早孤賤淪落居此州風土至今憶山河皆
共遊一從文章事兩京春復秋君去問相識幾人成白
頭

早發交崖山還太室云東林氣微白寒鳥忽高翔吾亦
自茲去北山歸草堂仲冬正三五月遙相望蕭蕭過
潁上矐矐辨少陽川水生積雪野火出枯桑獨往路難

盡窮陰人易傷傷此無依客如何蒙雪霜

唐詩紀事卷二十

欽定四庫全書

唐詩紀事卷二十一

宋 計敏夫 撰

蕭穎士

李華

崔顥

李嘉祐

王翰

蕭穎士

穎士重陽陪魯山登北城贈別時元有掛冠之意詩云
山縣遶古堞悠悠快登望雨餘秋天高目盡無隱狀綿
連濁川迥杳渺鴉路深彭澤興不淺臨風動歸心賴茲

琴堂暇傲倪傾菊酒人和歲已登從政復何有遠山十里並一道街長雲青霞半落日混合疑晴曛漸聞栖林羽坐歎清夜月中歡愴有違行子念明發僅能泯寵辱未免傷別離江湖不可忘風雨勞相思明時當盛才短伎安所設何日謝百里從君漢之滢

答韋司業垂訪云叨叨食苹鹿常飲清泠川但悅豐草美寧知牢饌鮮主人有幽意將以充林泉羅網幸免傷蒙君復羈牽高堂列衆賓廣坐鳴清絃俯仰轉傷惕徘徊

徊獨憂煎。緬懷雲巖路。欲往無由緣。物各有所好。違之傷自然。

神龜在南國。緬邈湘川陰。遊止蓮葉上。歲時嘉樹林。毒蟲且不近。斤斧何由尋。錯落負竒文。熒煌耀丹金。江山萬里餘。淮海阻且深。獨保貞素質。不為寒暑侵。一逢聖明代。應見通靈心。

晉代有儒臣。當年富辭藻。立言寄青史。將以贊王道。遼落緬歲時。辛勤厯江島。且言風波倦。探涉豈為寶。不遇

庾征西云誰展懷抱士貧乏知己安得成所好

彭陽昔游說願謁南郢都王果尚未達況從夷節謨豈知晉叔向無罪嬰囚拘臨難俟解紛獨知祁大夫舉讎且不棄何必論親疎夫子覺者也其能遺我乎

關西一公子年貌獨青春披褐來上京翳然聲未振中郎何為者倒屣驚座賓詞賦豈不佳盛名亦相因為君奏此曲此曲多苦辛千載不可誣孰言今無人

李華序其文曰開元天寶間以文學著於時者曰蘭陵

蕭穎士字茂挺年十九進士擢第淮南連帥表君為揚
州工曹沒於汝南旅次君謂六經之後有屈原宋玉文
甚雄壯而不能經厥後有賈誼文詞詳正近於理體枚
乘司馬相如亦瓌麗才士然而不近風雅楊雄用意頗
深班彪識理張衡宏曠曹植豐贍王粲超逸嵇康標舉
此外皆金相玉質所尚或殊不能備舉左思詩賦有雅
頌遺風干寶著論近乎王化根源此外皆夏絕無聞近
日陳拾遺文體最正以此而言見君述作君以文章制

度為己任時人咸以此許之。頴士卒，門人贈文元先生。惟一子存，字伯誠，為金部員外郎，有功。曹文風惡裴延齡，棄官歸廬山，存子東從事邕南，以女妻柳淡，字中庸。韓文公少時受存之知，自袁州入為祭酒，經廬山過其山，居知諸子凋謝，唯二女在，乃為詩曰：「中郎有女能傳業，伯道無男可保家。」今日匡山過舊隱，空將衰淚對烟霞。

頴士以推獎後進為任，如李陽、李幼、皇甫冉、陸渭等數

十人由獎目皆為名士天下推知人稱蕭功曹嘗兄事
元德秀而友殷寅顏真卿柳芳陸據李華邵軫趙驛時
人語曰殷顏柳陸李蕭邵趙以能全其交也李華與齊
名世號蕭李

李華

華字遐叔舉開元二十三年進士天寶二年博學宏詞
皆為科首天寶十一年拜監察御史除右補闕祿山亂
輦母而逃為盜所得二京復坐謫杭州司功參軍召加

司封員外郎將以司言處之華曰焉有隳節奪志者可以荷君之寵乎移病請告李峴領選江南表爲從事以風痺廢居楚

詠史詩云日照崑崙山羽人披羽衣乘龍駕雲霧欲往心無違此山在西北乃是神仙國靈氣皆自然求之不可得何爲漢武帝精意徧群山糜費巨萬計宮車終不還蒼蒼茂陵樹足以戒人間

天生忠與義本以佐雍熙何意李司隸而當昏亂時古

墳襄城野斜徑橫秋陂況不禁樵採茅莎無了遺高標
尚可仰精爽今何之一忤中常侍啣冤誰見知常觀黨
錮傳撫卷不勝悲

文侯耽鄭衛一聽一忘殮白雪燕姬舞朱絃趙女彈淫
聲流不返悵蕩日無端獻歲受朝時鳴鐘醺百官兩牀
陳管磬九奏殊未闌對此唯恐卧更能整衣冠

漢皇修雅樂乘輿臨太學三老與五更天王親割牲一
人調風俗萬國和且平單于驟款塞武庫欲銷兵文物

此朝盛君臣何穆清至今墳壇下如有簫韶聲

蜀主相諸葛功高名亦尊驅馳千萬衆怒目瞰中原曹
伯任公孫國亡身不存社宮久蕪沒白鴈猶飛翻勿言
君臣合可以濟黎元爲蜀諒不易如曹難復論

秦滅漢帝興南山有遺老危冠揖萬乘幸得馱征討當
君逐鹿時臣等已枯槁寧知市朝變但覺泉石好高卧
五十年相看成四皓帝言翁甚善見顧何不早咸稱太
子仁重義亦尊道側聞驪姬事申生不自保斃出商山

雲竭來趨灑掃東宮成羽翼楚舞傷懷抱後代無其人
戾園滿秋草

六國韓最弱末年尤畏秦鄭生爲韓計且欲疲秦人利
物可分社原情堪滅身咸陽古城下萬頃稻苗新

昂藏獬豸獸出自太平年亂代乃潜伏縱人爲禍愆常
聞斷馬劍每壯朱雲賢身死名不滅寒風吹墓田精靈
如有在幽憤滿松煙

沂水春可涉泮宮映楊葉麗色異人間珊珊搖珮環展

禽常獨處深巷生禾黍城上飛海雲城中暗春雨適來
鳴珮者復是誰家女泥沾珠綴履雨濕翠毛簪電影開
蓮臉雷聲飛蕙心自言沂水曲采蘋兼采菰歸遲雖可
尋天陰光景促憐君貞且獨願許君家宿徒勞惜衾枕
子不顧雙蛾豔質誠可重淫風如禮何周王惑褒姒城
闕成波沲

巢許在嵩潁陶唐不得臣九州尚洗耳一命安能親
邈數千祀邛中誰隱淪朝遊公卿府夕是山林入蒲帛

揚仄陋薜蘿爲縉紳九重念入夢三事思降神且設庭
中燎寧窺泉下鱗

漢時征百越楊僕將樓船幕府功未立江湖已騷然島
夷非敢亂政暴地仍偏得罪因懷壁防身輒控絃三軍
求裂土萬里詎聞天魏闕心猶在旗門首已懸如何得
良吏一爲制方圓

詠史十
一篇

寄題趙七侍御自餘干谿行經弋陽至上饒山川幽麗
思與雲卿同遊邈不可得因叙疇年之素寄懷於篇云

搖槩曙江流江清山復重心愜賞未足川迴失前峰凌
灘出極浦曠若天池通君陽青嗟峨開拆混元中九潭
魚龍窟仙成羽人宮陰與潛鬼物精光動煙空玄猿啼

深龍

千宗反楚越謂
竹樹深者爲龍

白鳥戲蔥蒙飛湍鳴金石激溜鼓

雷風雨濯萬木鮮霞照千山濃草閑長餘綠花淨落幽
紅渚煙見晨釣山月聞夜春覆谿窈窕波滔石洶溶溶
丹耶忽聚散素壁相奔衝白日破昏靄靈山出其東勢
排昊蒼上氣壓吳越雄迥頸望雲鄉此恨發吾衷昔日

蕭郊遊四人纔成童

華與趙七侍御驛故蕭十功曹皆苦貧幫弊同年三人登科顯士故

邵十六軫未冠進太學相次與校邵後三人及第也

屬詞慕孔門入仕希上公緯

卿陷非罪折我昆吾鋒

邵字緯卿以寬橫貶辛南中

茂挺獨先覺拔

身渡京虹斯人謝明代百代墜鵷鴻

蕭天寶末知亂棄官往江東殞葬先

人逝于江南

世故墜橫流與君哀路窮

祿山陷兩京華與趙受辱見中相顧

無死節蒙恩逐殊封

華貶杭州司功趙貶泉州晉江尉

天波洗其瑕朱

衣備朝容

華承恩累遷尚書郎趙拜補闕御史

一別凡十年豈期復相從

餘生得攜手遺此兩孱翁群遷失鷺羽後凋惜長松衰

旅難重別悽悽滿心曾遇勝悲獨遊貪奇悵孤逢禽尚
彼何人胡爲束樊籠吾師度門教授弁躡遐蹤

崔顥

擢進士第有文無行終司勳員外郎初李邕聞其名虛
舍待之顥至獻詩首章云十五嫁王昌邕叱曰小兒無
禮不與接而去

孟門行云黃雀銜黃花翩翩傍簷隙本擬報君恩如何
反彈射金壘美酒滿座春平原愛財多衆賓滿堂盡是

忠義士何意得有譏諛人諛人翻覆那可道能令君心
不自保北園新栽桃李枝根株未固何轉移成陰結子
君自取若問傍人那得知

霍將軍云長安甲第高入雲誰家居住霍將軍日晚朝
迴擁賓從路旁揖拜何紛紛莫言炙手手可熱湏臾火
盡灰亦滅莫言貧賤即可欺人生富貴自有時一朝天
子賜顏色世上悠悠應始知

黃鶴樓詩昔人已乘白雲去此地空餘黃鶴樓黃鶴一

去不復返白雲千載空悠悠晴川歷歷漢陽樹芳草淒

淒鸚鵡洲日暮鄉關何處是煙波江上使人愁

世傳太白云眼

前有景道不得崔穎題詩在上頭遂作鳳凰臺詩以較勝負恐不然

王家少婦詩云十五嫁王昌盈盈入畫堂自矜年最小
復倚媚爲郎舞愛前溪綠歌憐子夜長閑來關百草度
日不成粧

商璠云顥少年爲詩屬意浮艷多陷輕薄晚歲忽變常
體風骨凜然如殺人遼水上走馬漁陽歸錯落金鑠甲

蒙茸貂鼠衣又秋風吹淺草獵騎何翩翩
插羽兩相顧鳴弓新上絃鮑昭江淹須有慙色

古游俠呈軍中諸將云少年負膽氣好勇復知機
仗劍出門去孤城逢合圍殺人遼水上走馬漁陽歸
錯落金鑠甲蒙茸貂鼠衣還家行且獵弓矢速如飛
地迥鷹狗疾草深狐兔肥腰間帶兩綬轉盼生光輝
顧謂今日戰何如隨建威

贈王威古云三十羽林將出身常事邊秋風吹淺草獵

騎何翩翩插羽兩相顧鳴弓新上弦射麋入深谷飲馬
向寒泉馬上共傾酒野中聊割鮮相看未及醉戰騎入
幽燕烽火知不息邊塵高際天長驅救東北戰解城亦
全報國行赴難古來皆共然

送單于裴都護云征馬出翩翩秋城月正圓單于莫近
塞都護欲臨邊漢驛通烟火胡沙乏井泉功成須獻捷
未必去經年

題隱侯八詠樓云梁日東陽守爲樓望越中綠牕明月

在青史古人空江靜聞山狝川長數塞鴻登臨白雲晚
流恨此遺風

遼西云燕郊芳歲晚殘雪凍邊城四月青草合遼陽春
水生邊人正牧馬漢將日徵兵露重寶刀濕沙虛金鼓
鳴寒衣著已盡春服誰與成寄言洛陽使爲傳邊戍情
渭城少年行云洛陽三月梨花飛秦地行人春憶歸揚
鞭走馬城南陌朝逢驛使秦川客驛使前日發章臺傳
道長安春早來棠梨宮中燕初至蒲萄館裏花正開念

此使人歸更早三月便達長安道長安道上春可憐
風蕩日曲江邊萬戶樓臺臨渭水五陵花柳滿秦川

李嘉祐

字從一上元中嘗為台州刺史大厯間刺袁州李肇記
漠漠水田飛白鷺陰陰夏木嘯黃鸝之句本嘉祐詩而
集中不見與嚴維劉長卿冷朝陽友善嘗有詩四年謫
官滯江城未厭門前鄱水清誰言宰邑化黎庶欲別雲
山如弟兄雙鷗爲底無心狎白髮從他遶鬢生惆悵閑

眠臨極浦夕陽秋草不勝情嘉祐蓋嘗謫官但不知其
故然見元日無衣冠入朝云白髭空換歲丹陛不朝天
其坎坷之狀可少見矣嘉祐有送從叔陽冰寄從弟紆
及姪端詩蓋三子之族也遊鶴林寺云野寺江城近雙
旌五馬過禪心超忍辱梵語問多羅松竹閑僧老雲霞
晚日和寒塘歸路轉清磬隔微波

送王收往吉州謁王使君云細草綠汀洲王孫耐薄遊
年華初冠帶文體舊弓裘野渡花爭發春塘水亂流使

君矜小阮應念倚門愁

仲夏江陰官舍寄裴明府云萬室邊江次孤城對海安
朝霞晴作雨濕氣曉生寒苔色侵衣桁潮痕上井欄題
書招茂宰畏爾欲辭官

潤州送蔣侍御收兵歸楊云冷氣清金虎兵威壯鐵冠
揚旌川色暝吹角水風寒人對輜輶醉花看睥睨殘羨
歸丞相府空望舊門欄

高仲武云嘉祐袁州人振藻天朝大收芳譽中興高流

也與錢郎別爲

躰往往涉於齊梁綺美婉麗蓋吳筠

何遜之敵也至於野渡花爭發春塘水亂流朝霞晴作
雨濕氣曉生寒文革之冠冕也又禪心超忍辱梵語問
多羅設使許珣更生孫綽復在窮思極筆未到此境

和苗員外發秋夜宿直云久雨南宮夜仙郎寓直時漏
長丹鳳闕秋冷白雲司螢影侵堦亂鴻聲出苑遲蕭條
人吏散小謝有新詩

姚合取爲
極元集

戴叔倫夜發袁州寄李潁川詩即嘉祐也詩云半夜迴

舟入楚鄉月明山水共蒼蒼孤猿更發秋風裏不是愁

人亦斷腸

時李貶於此

王翰

古長城吟云長安少年無遠圖一生唯羨執金吾
騏驎前殿拜天子走馬西擊長城胡胡沙獵獵吹人面
漢虜相逢不相見遙聞鐘鼓動地來傳道單于夜猶戰
此時顧思寧顧身爲君一行摧萬人壯士揮戈迴白日
單于濺血染朱輪歸來飲馬長城窟長城道傍多白骨
問之

耆老何代人云是秦王築城卒黃昏塞北無人烟鬼哭
啾啾聲沸天無罪見誅功不賞孤魂流落此城邊當昔
秦王按劍起諸侯膝行不敢視富國強兵二十年築怨
興徭九千里秦王築城何太愚天實亡秦非北胡一朝
禍起蕭牆內渭水咸陽不復都

翰字子羽晉陽人少豪健恃才張嘉正張說爲并州長
史厚禮之爲駕部員外郎坐事貶道州司馬卒


明皇送張說巡邊應制云紫盤尚書印朱駟丞相車登

朝身許國出閭將辭家不憚炎蒸苦親嘗走馬賒選徒
軍有令誓卒爾無譁帝樂風初起王城日半斜寵行流
聖作寅餞照台華騎歷河南樹旌搖天北沙榮懷應盡
服嚴殺已先加業峻靈祇保功成道路嗟寧知鑿空使
遠致石榴花

送張說赴集賢院上賜讌賦得筵字云東堂起集賢貴
得從神仙首命台階老將崇御府員送人將玉珮中使
拂瓊筵和樂薰風解湛恩時雨連長材成磊落短翮強

翩翾徒仰蓬萊地何階不讓緣

恩賜樂遊園宴應制云未極人心暢何如帝道明仍嫌
醑宴促復寵樂遊行陸海披珍藏天河直斗城四關清
靄合數處白雲生飪餽調元氣歌鐘溢雅聲空慚堯舜
力至德杳難名



唐詩紀事卷二十一

欽定四庫全書

集部

唐詩紀事卷二十四

詳校官監察御史臣沈孫璉

主事銜臣徐以坤覆勘

覆校官中書臣呂雲棟

校對官原任典簿臣郭祚熾

膳錄監生臣楊其梓

欽定四庫全書

唐詩紀事卷二十二

宋 計敏夫 撰

任華

鄒象先

賈至

韋述

裴耀卿

解彥融

儲光義

孫翊

梁知微

沈千運

魏萬

元結

張均

李嶷

萬齊融

宋鼎

崔頌

任華

雜言寄李白古來文章有能奔逸氣聳高格清人心神
驚人魂魄我聞當今有李白大獵賦鴻猷文嗤長卿笑
子雲班張所作瑣細不入耳未知卿雲得在嗤笑限登
廬山觀瀑布海風吹不斷江月照還明余愛此兩句登
天台望渤海雲垂大鵬飛山墜巨鼇背斯言亦好至於
他作多不拘常律振擺超騰既俊且逸或醉中操紙或
興來走筆手下忽然片雲飛眼前劃見孤峰出而我有
時白日忽欲睡睡覺歛然起攘臂任生知有君君也知

有任生未中間聞道在長安及余戾止君已江東訪元
丹邂逅不得見君面每常把酒背東望良久見說往年
在翰林曾中矛戟何森森新詩傳在宮人口佳句不離
明主心身騎天馬多意氣目送飛鴻對豪貴承恩召入
凡幾迴待詔歸來仍半醉權臣妒盛名群犬多吠聲有
勅放君歸隱淪高歌大笑出關去且向東山爲外臣諸
侯交迓馳朱輪白壁一雙買交者黃金百鎰相知人平
生傲岸其志不可測數十年爲客未嘗一日低顏色八

詠樓中坦腹眠五侯門下無心憶繁花越臺上細柳吳
宮側綠水青山知有君白雲明月偏相識養高兼養閑可
見不可攀莊周萬物外范蠡五湖間又聞訪道滄海上
丁令王喬時還往蓬萊經是曾到來方丈豈唯方一丈
伊余每欲乘興遠相尋江湖擁隔勞寸心今朝忽遇東
飛翼寄此一章表胃臆儻能報我一片言但訪任華有
人識

雜言寄杜拾遺云杜拾遺名甫第二才甚奇任生與君

別來已多時何嘗一日不相思杜拾遺知不知昨日有
人誦得數篇黃絹詞吾怪異竒特借問果然稱是杜二
之所爲勢攫虎豹氣騰蛟螭滄海無風似鼓蕩華嶽平
地欲奔馳曹劉俯仰慙大敵沈謝逡巡稱小兒昔在帝
城中盛名君一箇諸人見所作無不心膽破郎官叢裏
作狂歌丞相閣中常醉卧前年皇帝歸長安承恩闊步
青雲端積翠扈遊花匱匱披香寓直月團欒英才特達
承天睠公卿無不相欽羨只緣汲黯好直言遂使安仁

却爲掾如今避地錦城隅幕下英寮每日相就提玉壺
半醉起舞捋髭鬚乍低乍昂傍若無古人制禮但爲防
俗士豈得爲君設之乎而我不飛不鳴亦何以只待朝
廷有知己已曾讀却無限書拙詩一句兩句在人耳如
今看之揔無益又不能崎嶇倚朝市且當事耕稼豈得
便徒爾南陽葛亮爲朋友東山謝安作隣里閑常把琴
弄悶即携樽起鶯啼二月三月時花發千山萬山裏此
中幽曠無人知火急將書憑驛吏爲報杜拾遺

高適贈任華云丈夫結交須結貧貧者結交交始親世人不解結交者唯重黃金不重人黃金雖多有盡時結交一成無竭期君不見管仲與鮑叔至今留名名不移撫言載華告辭京尹賈大夫書責其恃才傲物又與京兆杜中丞書責其始以文章見知而終不相顧上御史嚴大夫牋以爲失在於倨闕在於恕欲其遇士誠於倨撫下洪於恕可以長守富貴與庾中丞書云公幸以文章見許以補衮相期公頃謂李太僕曰任子文詞可謂

卓絕負冤以久何不奏與太僕丞然公之相待何前緊而後慢耶華本野人常思漁釣尋常杖策歸乎舊山非有機心致斯扣繫但以今之後進皆屬望於公公其留意焉

鄒象先

象先尉臨淄蕭穎士自京邑無成東歸以象先同年生也作詩贈之來年蕭補正字象先寄詩重述前事云六月度關雲三峰翫山翠爾時黃綬屈別後青雲致蕭荅

云桂枝常共擢茅茨冀同薦一命何阻脩載馳各州縣
壯圖悲歲月明代耻貧賤回首無津梁祇令二毛變

賈至

岳陽樓宴王員外貶長沙云極浦三春草高樓萬里心
楚山晴靄碧湘水暮流深忽與朝中舊同爲澤畔吟停
盃試北望還欲淚沾襟

侍讌曲云雲陞褰衣裳丹墀覆綠楊隔簾粧掩映向席
舞低昂鳴珮長廊靜如水廣殿涼餘懽劒履散同輦入

昭陽

馮昭儀當熊云白羽揮彫弓蜺旌動朔風
平明出金屋
扈輦上林中
逐獸長廊靜
呼鷹御苑空
王孫莫諫獵
賤妾解當熊

早朝大明宮云銀燭薰天紫
陌長禁城春色曉
蒼蒼千條弱柳垂
青瑣百轉流
鶯繞建章
劍珮聲隨玉墀步
衣冠氣接御爐香
共沐恩波鳳池裏
朝朝染翰侍君王

王維

杜甫岑
參同和

自蜀奉冊命往朔方途中作云安史亂中夏鑾輿或南
巡衣冠陷泥滓狼狽隨風塵幽公秉大節臨難不顧身
激昂白刃前濺血下沾巾尚書抱忠義歷險披蒼榛扈
從出劍門登翼岷江濱時望揖侍郎公才標縉紳亭亭
崑山玉皎皎無緇磷顧惟乏經濟扞牧陪從臣永願雪
會稽一劍清咸秦太皇時內禪神器付嗣孫新命集舊
邦至德被遠人捧冊自南服奉詔趨北軍覲謁心載馳
違離難重陳策馬出蜀山畏途上綠雲飲啄叢箐間棲

息虎豹群嶇崎凌棧危惴惴慄心神峭壁上嶽岑大江下
沄沄皇風扇八極異類懷深仁元克誘黠虜肘腋生妖
氛明主信英武威聲嚇四鄰誓師自朔方旗幟何繽紛
鐵騎照白日旄頭拂秋旻將來盪滄溟寧止蹴崑崙古
來有迤難否泰長相因夏康續禹績代祖復漢勲于後
各勤王驅馳拱紫宸豈惟太公望往昔逢周文語謂三
傑才公業獨殊倫感此慰行邁無爲歌苦辛

帝傳位至
讓冊進業

帝曰先天誥命乃父爲之辭今茲命又爾爲
之兩朝盛典出卿父子之手可謂繼美矣

至字幼鄰曾之子也肅宗時爲中書舍人坐小法貶岳
州司馬在巴陵有詩寄朝中友人云江南春草初纂纂
愁殺江南獨愁客秦中楊柳也應新轉憶秦中相憶人
萬里鶯花不相見登高一望淚沾巾寶應初召復故官
大厯中位右散騎常侍卒

李白寄至詩云賈生西望憶京華湘浦南遷莫怨嗟聖
主恩深漢文帝憐君不遣到長沙

韋述

晚度伊水詩云悠悠涉伊水伊水清見石是時春向深
兩岸草如積迢遞望洲嶼遠迤亘津陌新樹落踈紅遙
原上新碧回首瞻洛陽遽有長山隔烟霧猶辨家風塵
已爲客登陟多異趣往來見行役雲起早已昏鳥飛日
將夕光陰逝不借超然慕疇昔遠近亦何爲歸來存竹
帛

送張說上集賢學士應制云修文中禁啓改字令名加
台坐徵人傑書坊應國華賦詩開廣宴賜酒酌流霞雲

散明金闕池開照玉沙
掖垣留宿鳥溫樹落餘花
謬此天光及啣恩醉日斜

述純厚長者澹榮利任史官二十年
典掌圖書餘四十年天寶間爲國子司業
充集賢學士祿山亂抱國史藏南山臣賊賊平流渝州爲刺史薛舒所困不食死

裴耀卿

耀卿爲宣州刺史日張九齡經當塗界以詩寄之又有江上使風詩寄耀卿云江路與天連風帆何淼然遙林

浪出沒孤舫鳥聯翩常自千鈞重深思萬事捐報恩非
狗祿還逐賈人船

耀卿和當塗詩云茂先寔王佐仲舉信時英氣覩衝天
發人將下榻迎珪符肅有命江國遠徂征九派期方越
千鈞或可輕高帆出風迫孤嶼入雲平遄邁嗟于役離
憂空自情飭簪倍早歲接壤厠專城曠別心彌軫宏規
義轉傾徒然限飢渴况乃諷瑤瓊

再酬使風見示云茲地五湖鄰艱哉萬里人驚飈翻是

託危浪亦相因宣室才華子金閨諷議臣承明有三入
去去速歸輪

解彥融

鴈塔詩云崢嶸徹倒景刻峭俯無地勇進攀有緣即嶮
恐迷墜窅然喪五蘊蠢爾懷萬類實際罔他尋波羅必
可致南山繞上苑耆樹連巖翠北斗臨帝城扶宮切太
清食和禪日用味道懿天明綠野冷風決紫薇佳氣晶
馴禽演法要忍草藉經行本願從茲適方知物世輕

此詩開元八年清河傳巖題于鴈塔

儲光義

古意云秋風肅天地太行高崔嵬猿狖清夜吟其聲一
何哀寂寥掩圭華夢寐遊蓬萊琪樹遠亭亭玉堂雲中
開洪崖吹簫管素女颺颺來雨師既先後道路無纖埃
鄙哉楚襄王獨好雲陽臺

胚渾本無象末路多是非達士志寥廓所在能忘機耕
鑿時未至還山聊採薇虎豹對我蹲鸞鸞傍我飛仙人

空中來謁我勿復歸格擇爲君駕雲霓爲君衣西近崑
崙墟可與世人違

王維待光義不至詩云重門朝已啓起坐聽車聲要欲
聞清風方將出戶迎晚鐘鳴上苑疎雨過春城了自不
相顧臨堂空復情

光義兗州人登開元進士第又詔中書試文章歷監察
御史祿山亂陷焉賊平貶死

商璠云儲公詩格高調逸削盡常言趣遠情深挾風雅

之道得浩然之氣述華清宮詩云山開鴻蒙色天轉招
搖星又遊茅山詩云山門入松栢天路涵空虛此例數
百句畧見荊陽集不復廣播常覩儲公政論十五卷九
經分義疏二十卷言博理當實可謂經國之才

新豐道中作云西下長樂坂東入新豐道雨多車馬稀
道上生秋草太陰蔽臯陸莫知晚與早雲雷杳冥冥川
谷漫浩浩詔書植佳木

二十八年有詔植果

無言桃李好自顧無

此容歸從漢陰老

泊舟詒潘少府云行子苦風潮維舟未能發宵分卷前
幔卧視清秋月四澤葭葦深中洲烟火絕蒼蒼水霧起
落落疎星沒所遇盡漁商與言多楚越其如念極浦又
以思明哲

時潘在
後浦

常若千里餘況之異鄉別

田家即事云蒲葉日已長杏花日已滋老農要看此貴
不違天時迎晨起飯牛雙駕耕東畝蚯蚓土中出田鳥
隨我飛群合亂啄噪嗷嗷如道飢我心多惻隱顧此兩
復非撥食與田鳥日暮空筐歸親戚更相誚我心終不

移

田家雜興三首云春至鷓鴣鳴薄言向田墅不能自力
作黽勉娶鄰女既念生子孫方思廣園圃閑時相顧笑
喜悅好禾黍夜夜登嘯臺南望洞庭渚白草被霜露秋山
響砧杵却羨故年時中情無所取

梧桐蔭我門薜荔網我屋超超兩夫婦朝出暮還宿稼
穡既自種牛羊還自牧日旰懶耕鋤登高望川陸空山
足禽獸墟落多喬木白馬誰家兒聯翩相馳逐

楚山有高士梁國有遺老築室既相鄰向田復同道糧
精常共飯兒孫日更抱忘此耕耨勞媿彼風雨好蟪蛄
鳴空澤鷦鷯傷秋草日夕寒風起衣裳苦不早
同王十三維偶然作四首云野老本貧賤冒暑鋤瓜田
一畦未及終樹下高枕眠荷蓀者誰子皤皤來息肩不
復間鄉墟相見但依然腹中無一物高話羲皇年落日
臨層隅逍遙望晴川使婦提蠶筐呼兒榜漁船悠悠泛
綠水去摘浦中蓮蓮花艷且美使我不能還

仲夏日中時草木看欲焦田家惜功力把鋤來東臯顧
望浮雲陰往往誤傷苗歸來悲困極兄嫂相共饒無錢
可沽酒何以解劬勞夜深星漢明庭宇虛寥寥高柳三
五株可以獨逍遙

浮雲在虛空隨風復卷舒我心方處順動作何憂虞但
言嬰世網不復得閑居迢遞別東國超遙來西都見人
乃恭敬曾不問賢愚雖若不能言中心亦難誣故鄉滿
親戚道遠情日踈偶欲陳此意復無南飛鳧

北山種松栢南山種蒺藜出入雖同趣所向各有宜
孔邛貴仁義老氏好無爲我心若虛空此道將安施
暫過伊闕間晚晚三伏時高閣入雲中芙蓉滿清池
要自非我室還望南山陲

孫翊

張曲江在洪州有郡南江上別孫侍御詩云雲障天涯
盡川途海縣窮何言此地僻忽與故人同身負邦君弩
情紆御史驄王程我安駐離思逐秋風翊時以監察御

史奉使洪州酬云受命議封疆逢君牧豫章於焉審虞
芮復爾共舟航悵別秋陰盡懷歸客思長江臯枉離贈
持此慰他鄉

梁知微

知微自潭州入朝張說宴別於岳陽以詩送之云遠涖
長沙渚欣逢賈誼才江山疲應接風日復晴開又云月
餘偏地賞心盡故人杯其末云夢見長安陌朝宗實盛
哉知微奉別燕公詩云華容佳山水之子厭承明符竹

紆小郡江湖被德聲三年計吏入路指巴邛城鳧舟纔
結纜駒駕已相迎別離他鄉酒委曲故人情孤嶼早烟
泊長波晚氣清辛勤方遠鶩勝賞屢難并迴瞻洞庭浦
日暮愁雲生燕公有送知微渡東海詩云今日此相送
明年此相待天上客星迴知君渡東海暨送入朝至洞
庭山又作云巴陵一望洞庭秋日見孤峰水上浮聞道
神仙不可接心隨湖水去悠悠蓋心存魏闕之意也
知微嗣聖初登進士第

沈千運

山中作詩云棲隱別無事所願早離塵不辭城邑遊禮
樂拘束人邇來歸山林庶事皆吾身何者爲形骸誰是
智與仁寂寞了閑事然後知天真咳唾驚榮華迂俯相
屈伸如何巢與由天子不得臣

贈史修文云故人阻千里會面非別期握手於此地當
歡反成悲念離宛猶昨俄已經數期疇昔皆少年別來
髮如絲不道舊姓名相逢知是誰曩遊盡騫翥與君仍

布衣豈曰無其才命理應有時別路漸欲少不覺生涕洟

感懷弟妹詩云今日喜氣暖東風杏花拆筋力又不如
慙嘆澗中石神仙杳難準中壽纔滿百近世多天傷喜
見髭鬢白藜杖竹樹間宛宛舊行跡豈知園中主却是
園中客兄弟所存半空爲亡者惜冥冥無再期哀哀望
松柏骨肉能幾人年老漸踈隔性情誰免此而我何不
易唯願得爾輩相看慰朝夕平生只已矣此外盡非適

濮上言懷云聖澤優賢良草澤無遺匿人生各有志在
予胡不淑一生但區區五十無寸祿衰退當弃捐貧賤
遭時譴栖栖去人世迤質日窮逼不如守田園歲晏望
豐熟壯年失宜盡老大無筋力始愴前計非方貽後生
福兒童新學稼小女未能織顧此煩知己終日求衣食
元結篋中集序云風雅不作幾及千年近世作者更相
沿襲拘限聲病喜尚形似且以流易爲辭不知喪於雅
正吳興沈千運獨挺於流俗之中強攘於已溺之後窮

老不惑五十餘年凡所爲文皆與時異故朋友後世稍見師効能似類者有五六人於戲自沈公及二三子皆以正直而無祿位皆以忠信而久貧賤皆以仁諫而至喪亡兵興于今六歲已長逝者遺文散失方阻絕者不見近作故編於篋中者凡二十二首云

王季友代人贈子運云相逢問姓名復存別來無子今有孫山上雙峰長不改百姓唯有三家村村南東西車馬道一宿通舟水浩浩河中磊磊十里石河上游游泥

種稻平坡古塚背我拆滿田主人舊是客舉聲酸辛問
同年十人七人歸下泉分手如何更此地迴頭不去淚
潜然

張籍過千運舊居詩云汝比君子宅我來見頽墉亂離
子孫盡地屬隣里翁古木被邛墟蹊路不相通舊井蔓
草合牛羊墜其中君辭天子書放意任禮躬一生不自
力家與逆旅同高詞切星辰餘響激瘖聾方將旌舊閭
百歲不可封嗟其未積來已爲荒林叢時當無知者莫

能敦此風浩蕩意無覩我將安所從

魏萬

君抱碧海珠我懷藍田玉各稱希代寶萬里遙相燭長
卿慕蘭久子猷意已深平生風雅人暗合江海心去秋
忽乘興命駕來東土謫仙遊梁園愛子在鄒魯二處一
不見拂衣向江東五兩挂淮月扁舟隨海風南遊吳越
徧高揖二千石雲上天台山春逢翰林伯宣父敬項橐
林宗重黃生一長復一少相看如弟兄惕然意不盡更

逐西南去同舟入秦淮建業龍盤處楚歌醉吳酒借問
承恩初宮買長門賦天迎駟馬車才高世難容道廢可
推命安石重携妓子房空謝病金陵百萬戶六代帝王
都虎邱踞西江鍾山臨北湖湖山信爲美王屋人相待
應爲岐路多不知歲寒在君遊早晚還勿久風塵間此
別未遠別秋期到仙山右魏萬贈太白詩也

太白送萬還王屋序云王屋山人魏萬自嵩宋汭吳相
送數千里不遇乘興遊台越經永嘉觀謝公石門後於

廣陵相見美其愛文好古浪迹方外因述其行而贈以詩云

萬後名顯上元初登第始見白於廣陵白曰爾後必著大名於天下無忘老夫與明月奴因盡出其文命顯集之

元結

春陵行序云癸卯歲漫叟授道州刺史道州舊四萬餘戶經賊已來不滿四千大半不勝賦稅到官未五十日

承諸使徵求符牒二百餘封皆曰失其限者罪至貶削
於戲若悉應其命則州縣破亂刺史欲焉逃罪不應命
又即獲罪戾必不免也五將守官靜以安人待罪而已
此州是舂陵故作舂陵行以達下情詩曰軍國多所須
切責在有司有司臨郡縣刑法競欲施供給豈不憂徵
歛又可悲州小經亂亡遺人實困疲大鄉無十家大族
命單羸朝食是草根暮食乃木皮出言氣欲絕意速行
步遲追呼尚不忍況乃鞭扑之郵亭傳急符來往跡相

追更無寬大恩但有迫促期欲令鬻兒女言發恐亂隨
悉使索其家而又無生資聽彼道路言怨傷誰復知去
冬山賊來殺奪幾無遺所願見王官撫養以惠慈柰何
重驅逐不使存活爲安人天子命符節我所持州縣忽
亂亡得罪復是誰逋緩違詔令蒙責固所宜前賢重守
分惡以禍福移亦云貴守官不愛能適時顧惟孱弱者
正直當不虧何人採國風吾欲獻此辭

賊退示官吏詩序云癸卯歲西原賊入道州殺掠幾盡

而去明年賊又攻永州破邵不犯此州邊鄙而退豈力
能制敵歟蓋蒙其傷憐而已諸使何爲忍苦徵歛作詩
一篇以示官吏詩云昔年逢太平山林二十年泉源在
庭戶洞壑當門前井稅有常期日晏猶得眠忽然遭世
變數歲親戎旃今來典斯郡山夷又紛然城小賊不屠
人貧傷可憐是以陷隣境此州獨見全使臣將王命豈
不如賊焉今彼徵歛者迫之如火煎誰能絕人命以作
時世賢思欲委符節引竿自刺船將家就魚麥歸老江

海邊

杜子美和元使君春陵行序云覽道州元使君春陵行
兼賊退後示官吏作二首志之曰當天子分憂之地效
漢官良吏之目今盜賊未息知民疾苦得結輦十數公
落落參錯天下爲邦伯萬物吐氣天下少安可待矣不
意復見比興體制微婉頗挫之詞感而有詩增諸卷軸
簡知我者不必寄元也詩曰遭亂髮盡白轉衰病相嬰
沉繇盜賊際狼狽江漢行歎時藥力薄爲客羸瘵成吾

人詩家秀博采世上名粲粲元道州前聖畏後生觀乎
春陵作歛見俊哲情復覽賊退篇結也實國楨賈誼昔
流慟匡衡常引經道州憂黎庶詞氣浩縱橫兩章對秋
月一字皆華星致君唐虞際純朴憶大庭何時降璽書
用爾爲丹青獄訟久衰息豈唯偃甲兵悽惻念誅求薄
歛近休明乃知正人意不苟飛長纓涼飈振南岳之子
寵若驚色阻金印大興含滄溟清我多長卿病日久思
朝廷肺枯渴太甚漂泊公孫城呼兒具紙筆隱几臨軒

楹作詩呻吟內墨淡字欹傾感彼危苦詞庶幾知者聽
蘇源明薦結於肅宗時思明攻河陽帝將幸河東召結
詣京師結上時議三篇乃攝監察御史發宛葉軍屯泌
陽全十五城帝善之代宗時侍親歸樊上後拜道州刺
史民樂其教還京師卒始號猗玗子後稱浪士又曰漫
郎更曰聲叟

張均

九日巴邛登高云客心驚暮序賓鴈下襄州共賞重陽

節言尋戲馬游湖風愁代柳江雨暗山樓且酌東籬菊
聊祛南國憂

岳州西城云水國何遼曠風波遂極天西江三汜合南
浦二湖連危堞臨清境煩憂暫豁然九圍觀掌內萬像
閱眸前日去長沙浦山橫雲夢田汀葭變秋色津樹入
寒烟潛穴探靈詭浮山揖聖仙至人今不見迹滅事空
傳

巴邛春作云日出洞庭水春山挂斷霞江沔相映發卉

木共紛華湘戍南浮闊荆關北望賒湖陰窺魍魎丘勢
辨巴蛇島戶巢為館漁人艇作家自憐心問景三歲客
長沙

岳州觀競渡云畫作飛鳬艇雙雙競拂流俄裝山色變
急棹水華浮土尚三閭俗江傳二女遊齊歌迎孟姥獨
舞送陽侯鼓發南湖汊標爭西驛樓並驅常詫速非畏

日光道

俄裝字
傳疑

岳州晚景云晚景寒鴟集秋聲海鴈歸水光浮日去霞

彩映江飛洲白蘆花吐園紅柿葉稀長沙卑濕地九月
未成衣

送梁六自洞庭山作云巴陵一望洞庭秋日見孤峰水
上浮聞道神仙不可接心隨湖水共悠悠

奉和燕公山城云郡館臨清賞開局坐白雲訟虛棠戶
曉觀靜竹簷曛懸榻迎賓下趨庭學禮聞風傳琴上意
遙向日華紛

燕公岳州別均云離筵非讌喜別酒正消魂念汝猶童

孺嗟予隔遠藩津亭拔心草江路斷腸猿他日將何見
愁來獨倚門

均丞相說之子也說最鍾愛其情見於岳州別均之作
說爲左相知官考均時任中書舍人特注之曰父教子
忠古之善訓祁奚舉子義不務私至於潤色王言彰施
帝載道參墳典例絕功常恭聞前烈尤難其任豈以嫵
疑敢撓綱紀考上下均能文爲大理卿祿山盜國爲僞
中書令免死流合浦

流合浦嶺外作云瘴江西去火爲山炎徼南窮鬼作關
從此更投人境外生涯應在有無間

杜子美贈太常張卿云方丈三韓外崑崙萬國西建標
天地闊詣絕古今迷氣得神仙迥思承雨露低相門清
議衆儒術大名齊軒冕羅天闕琳瑯識介珪伶官詩必
誦夔樂典猶稽健筆凌鸚鵡銛鋒瑩鶚鵠友于皆挺拔
公望各端倪通籍踰青瑣亨衢照紫泥靈虬傳夕箭歸
馬散霜蹄能事聞重譯嘉謨及遠黎弼諧方一展班序

更何躋適越何顛躋遊梁竟慘悽謬知終畫虎微分是
醯雞萍泛無休日桃陰想舊蹊吹噓人所羨騰躍事仍
睽碧海真難涉青雲不可梯顧深慙鍛鍊方小辱提携
檻束哀猿叫林驚夜鵲棲幾時陪羽獵應指釣璜溪

或疑

此詩乃
贈張垞

李嶷

淮南秋夜詩云天淨河漢高夜閑砧杵發清秋急如此
離恨應難歇風亂池上螢露光竹間月君與共遊處勿

作他鄉別

商璠云疑詩鮮淨有規矩其少年行三章辭雖不多翩
翩然俠氣在目也

少年行云十八羽林郎戎衣從漢王臂鷹金殿側挾彈
玉輿傍馳道春風起陪遊出建章

侍獵長楊下承恩更射飛塵生馬影滅箭落鴈行稀薄
暮隨天仗聯翩入瑣闥

玉劍膝邊橫金盃馬上傾朝遊茂陵道暮宿鳳凰城豪

吏多猜忌無勞問姓名

萬齊融

上已綠潭篇云春潭滉漾接隋宮宮闕連延潭水東蘋
苔嫩色涵波綠桃李新花照底紅垂菱布藻如粧鏡麗
日晴天相皎映素影顥顥對蝶飛金沙礫礫窺魚泳佳
人被襖賞韶年傾國傾城併可憐拾翠摠來芳樹下蹋
青爭遶綠潭邊公子王孫恣遊翫沙場水曲情無厭禽
浮似挹羽觴杯鱗躍疑投水心劒金鞭玉勒騁輕肥落

絮紅塵擁路飛綠水殘霞催席散畫樓初月待人歸

梁肅作越州開元寺僧曇一碑銘云師與賀賓客知章
李北海邕褚諫議庭誨涇陽令萬齊融爲儒釋之遊莫
逆之友李華爲潤州鶴林寺徑山大師碑銘云菩薩戒
弟子故吏部侍郎齊澣故刑部尚書張均故潤州刺史
徐嶠故涇陽令萬齊融道流人望莫盛於此以二銘觀
之齊融蓋開元以來江南樂道之士也于休烈傳云與
會稽賀朝萬齊融延陵包融齊名齊融止於崑山令越

州人也

宋鼎

鼎明皇時刺襄州云張丞相

九齡

與余有孝廉校理之舊

又代余爲荊州余改漢陽仍兼按使巡至荊州故贈之
詩曰漢上登飛幟荆南歷舊居已嘗臨砌橘更覩躍池
魚盛德繼微渺深衷能卷舒義申蓬閣際情切廟堂初
郡挹文章美人懷燮理餘皇恩儻照亮豈厭承明廬
九齡有酬宋使君詩云時來不息意宿昔謬樞衡翊聖

負明主妨賢媿友生
罷歸猶右職待罪尚南荆
政有留棠舊風因繼祖
成高軒問疾苦蒸庶荷仁明
衰廢時所薄祇言僚故情

崔頌

張曲江在荊州有晨出郡舍林下詩云晨興步北林蕭散一開襟復見林上月娟娟猶未沉片雲自孤遠叢篠亦清深無事由來貴方知物外心時頌爲郡司馬和云優閑表政清林薄賞秋成江上懸曉月往來虧復盈天

雲抗真意郡閣晦高名坐嘯應無欲寧辜濟物情

唐詩紀事卷二十二